

347 F. 11- 99 H
E M I N E N T I S S I M O
P R I N C I P I ,

A L D E R A N O C Y B O ,

S. R. E.

CARDINALI AMPLISSIMO.



Ecordaris, opinor, id quod ego nunquam obliuisci possum, PRINCEPS EMINENTISSIME, quo tu me ante biennium honore sis prosecutus. Nisi fortè solenne illud tuum seruare mavis, vt beneficiorum, quæ contuleris, memoriam dilabi facilè patiaris, quæ acceperis ipse, trabali clauo, vt dicitur, in mente atq; cogitatione defigas. Qua quidem re statuunt sapientissimi homines nullum argumentum excelsi animi verè nobilis existere posse luculentius.

Obruli tunc tibi, admissus in præsentiam, Epithalamium qualecunq; nostrum, in nuptijs *Catharinae*, lætissimæ virginis, Sororis tuæ filiae decantatum, cum *Iustiniano* Principe celebratis. Quod opusculum tamen si alteri dedicassem, nempe clarissimo Nouellariæ dynastæ *Alphonso Gonzaga*, sponsæ patri, quia tamen sic inscripseram, tanquam alicui Scipionis Lælio, aut Theseo Herculis, hoc est, amico affini & perneccessario tuo, perindè accipiebas, tanto illius percurrendi studio, tamq; proluxa animi erga me a u

thorem voluntate , quasi nuncupatum præcipuè tibi
fuiſſet .

Quid ? ea-nè igitur beneuola mentis vel ſignifica-
tione tuę,vel interpretatione meæ,contentus eſſe de-
beo ? nequaquàm:maius eſt officiꝝ debitum profeçtò
ex parte mea , quàm vt tantula repræſentatione tibi ,
ſub alieno præſertim nomine,ſatiſfactum putem . In-
meo tuoq; volo propriè diſſoluere;imò etiam ſcriptis
noſtris eadem opera mutuari lucem à tuo . Subit op-
portunè Virgiliani paſtoris votiuâ promiſſio conce-
ptis hiſce verbis :

Nunc te marmoreum pro tempore fecimus;at tu,

Si foetura gregem ſuppleuerit , aureus eſto .

Perquã ſanè aptè ſubiectę rei.Recens fçtus videlicèt
Catharina, iterùm puerperæ, monſtrat facilem grati-
ficandi viam: nouas tabulas conficit. Tum enim Hy-
menæi dabam cantiunculam , veluti ſemen aut ſur-
culum venturi fructus;nunc exhibeo Lucinę nẽniam
obſetricis,id eſt,poſt nuptiale carmen natalitiũ,quaſi
feliciffimæ ſementis vberem meſſem & optatam .
Nā coniugij qui tandèm finis,vel ſpes alia,nifi prolis?

Tu verò, *ALDERANE*, humaniſſime Purpu-
ratorum atq; doctiſſime , hoc quidquid eſt muneris
accipe ab homine *Iuſtinianorum* iamdiù domeſtico
& familiari,adeoq; ſeruo item tuo & cliente iure ne-
xi , pro tua perpetua conſuetudine fauendi literatis
conatibus,comiter ac benignè; nec diffide futurum,
proùt ſenſero radiantis oculi tui, tanquàm ſalutaris
cuiuſdam aſtri , beneficam influentiam , hæc vt ipſa

nouis in dies accessionibus crescant, & alia suo tempore, quæ te attingant propiùs, fortassè gratiora proferantur.

Potueram hìc multa, modò collibuisse, de summis virtutibus tuis prædicare: sed cū eæ Sole clarius elucèant, iamq; increbuerint apud omnes, nolui actum agere: satis habeo de præmijs cœlestibus ijs debitis ex coniectura votoq; mortaliū augurari. Cū autem vaticinationes ferè instinctu diuino afflatuq; fundantur, sermone certè humano maiore, quod versu fit, quèadmodum liquet ex libris Sibyllinis, vtendum erat.

Quarè, te quò pleniùs ipse recognoscas, voco te ad carmen *GENETHLIACVM*, quod infrà posui, opus prorsùs tuum, vtpotè tibi nominatim consecratum: vbi per occasionem res de te magnas in posterum præfagiens haud equidem amantiùs, quàm veriùs depròpsi. Aliud *Epigramma* superioris anni habebis præfixum, horni partus poëmati lumen futurum. Tu & nominis, & dignitatis tuæ gloria splendorem vtrique afferes. Vale, & exple in loco vota nostra.

Romæ, ex ædibus Iustinianis, Kal. Septemb. 1674.

EMINENTIÆ TVÆ

Humillimus cultor,

Iacobus Albanus Ghibbescius,
Poët. Laur. Cæs.

IN PRINCIPEM INFANTEM;
VINCENTIVM,
CAROLI BENEDICTI IVSTINIANI,
BASSANI PRINCIPIS,
FILIVM PRIMOGENITVM.



Natus in Vrbe die S. ROSÆ, 30. Augusti, 1673. eadem luce per lustralem aquam viginti patronorum cœlestium nominibus, *Vincentij* inprimis, antiquissimæ familiæ columninis, & *Graciliani*, qui clauderat seriem, Bassani Principatus tutoris, splendidissimè donatus est.

EPIGRAMMA.

S Exili, præclare PVER, Roma edite mense,
Cui Rosa festiuum diuidit alma diem;
Vt tibi bis denis ducet Vincentius agmen
Nominibus, tergum Gracilianus agat;
Vix tamen efficiet medijs cum fratribus ambo;
Vt nisi te Augustum maxima Roma vocet.



GENETHLIACON.

*Ob secundam prolem masculam, ANDREÆ paterni
Aui nomine, IVSTINIANÆÆ felicitati
genitam;
Augusti mensis 18. die S. Agapito sacro,
M. DC. LXXIV.*



Ltera concessa est anno redeunte propago,
Augusti felice Puer sub sidere mensis,
Penè diem ducente *Rosa*; quæ fecerat antè
Diua breues matris partus, lætosq; labores,
Cælesti manifesta manu, & fragrâibusauris.
Instabat nouus orbis, hiansq; Per uvia primū

Expectabat onus, fœcundi ventris honorem,
Ac stabilimen opum tantarum, vtriusq; parentis
Hæredem ingentem. Formandus Principis alti
Quippè fuit splendor: cunis tantum instar in ipsis.

Iam probat euentus duplicis molimina mundi
Suscepto in fœtu: niuæ quæ gratia formæ!
Qualis in ore rubor! quàm lucet vbiquè venustas!
Quantus honos frontis! quis vibrat fulgor ocellis!
Indolis & morum nullam præstantia metam
Laudis habet. Talem nasci credamus Achillem;
Sic genitrix vultu, genitor sic pectore adhæsit.
Et decor, & virtus conspirauère vicissim;
Gonzagam ille refert, hæc clamat *Iustinianam*;

San.

Sanguinis authores , illustria nomina famæ .

Voce adèd merita signat Victoria prolem .

Blandule tuq; *Infans* , ortu , non laude secunde ,

Ingredere heroum securo stamine vitam ,

Longævosq; imple factis audacibus annos ,

Omnia germano similis : procedere disce ,

Quò res cunq; vocat , seù pax , seù bella requirent .

Sed pax alba magis - Quanquàm nec purpura tinctu

Sidonio deerit , veros imitata cruores ,

Armigeriq; rubens pugnæ ac vulnera Martis ;

Cùm te Romanus , veniat modò plenior ætas ,

Asciscet sibi ferre Pater cum pondere partem

Imperij sacri , propiùsq; in sede locabit

Consultorem aptum , trabea dignatus & ostro ,

Non sine lætitia populi , plausuq; Senatus .

Et quis erit , triplici frontem diademate victus ,

(Dic precor , Vranie , cœli præfaga futuri)

Tum quis erit , magno iuuenis correptus amore

Terrarum princeps , rutiliquè vicarius axis ,

Qui gerat officium , & diuino munere donet ?

Fallor , àn humanas iam spes ac vota secutus

Musam ego præuerto vates , arcanaq; pando .

ALDERANVS is est : arcum reparate Scueri ,

Sternite flore vias , pictas inducite vestes

Parietibus læti , summus noua templa Sacerdos

Dùm conscendet ouans Tarpeij per iuga cliui ,

Romulidæ . Ille piæ vobis præconia Romæ

Firmabit pius ipse ; feret mirabile robur

Iustitiæ prior exemplo , super æthera notus

Pontificum sanguis , claro de stemmate Massæ :

Quem puero potiùs regnator avunculus effert

Dotes ob similes ? vt sustulit Hector Iulium .

Hæc olim : intereâ superet tria secula CLEMENS,
Pastor ouilis amans commissi, & amatus ouili.

Thura placet Genio libare, & florea festa,
Votiuasq; offerre preces solennibus aris;
Indè dapes struere, ac latices effundere Bacchi,
Natali iubare exorto. Non traxit Eöos
Sol populos æquè rubro de litore surgens,
Vt puer istè rapit, lucis productus in vsum;
Lucifer apparens, mira dulcedine cunctos.
Si *Rosa* commendat fratris primordia Virgo,
Desupèr attestata suum; cœlestis & alter
Hunc paribus fouet auxilijs, similemquè tuetur
Luce sacra custos, puerum puer. Arcat Olympus
Nimirum æquales & blandè respicit annos.
Tyndaridum rarum præbent exemplar Amyclæ;
Hic quamuis æternus erat, mortalis & ille,
Mortali voluit partiri æternus honorem
Cœlicolæ, inq; vicem miseris effulgere nautis.
Nexilis in terras descendit ab axe catena,
Omnia coniungens, summa imis, fœdere amoris.

Nascenti proprioq; die, visuq; sereno
Astirit ecce tener, Prænestis gloria, victor
Agapitus, celsæ decus ingens additus aulæ;
Cui quot ab effuso stillarunt sanguine guttæ,
Tot iam conuersi scintillauère pyropi:
Exceptumq; prius, terram quàm tangeret, vlnis
Restituit matri verba inter talia partum,
Omina quæ puero ferrent, & gaudia matri.

Pande sinum, *Genitrix*, nato, gremioq; repone;
Suge, afflaq; animam repetita per oscula charam.
Ettu, parue *Puer*, catulus velut ille lænam
Sentit odore suam, tactu cognosce parentem.

Altera spes magnæq; domus, gentisq; vetustæ
 Exoptatus ades, vano nec nomine iactas
 Inclyta progenies, vtrâque ab origine Princeps.
 Hinc Chios, hinc & auos Byzantia palluit ora
 Iamdudùm, rerum dominos, sceptriq; potentes.
 Præ ducibus iustis nunc sæuum odere tyrannum,
 Teq; vocant laxare iugum virtute, vel armis.
 Grandia facta tuis debes natalibus, *Infans*:
 Insita vis animi pulchros exuscitat ignes
 Maiorum decoris, meriteq; per ardua palmæ.
 Quarè age, de tenero laudes meditare superbas
 Vngue celer, victorquè viri iam concipe famam.
 Scilicèt *Andreae* tua ponet Græcia nomen
 Indè tibi, actorem vertit quod Roma virilem.
 Hæc Prænestinas moneo portendere sortes.

Dixit: & ambrosiæ vt succum spirabat, eodem
 Perfudit puerum mulcens, & in astra recessit.
 Auspicijs faustis, diuinos inter odores,
 Ridenti puero arrisit lætissima mater.



R O M Æ,

Ex Officina Nicolai Angeli Tinafsij, M.DC.LXXIV.

SVPERIORVM PERMISSV.